

BOSNA I HERCEGOVINA

FEDERACIJA BOSNE I HERCEGOVINE

KANTON SARAJEVO

SKUPŠTINA KANTONA SARAJEVO

N.P. PREDSJEDAVAJUĆI

GSP. SEJO BUKVA

PREDMET: POSLANIČKO PITANJE, VLADI KANTONA SARAJEVO

Poštovana gospodo, drage kolegice i kolege zastupnici

Poenta svega je da od 2011. godine do danas kompleks laboratorija na Stupu nije proradio, da postojeći objekti propadaju, da je vlasnička struktura, finansijska, tehnička i svaka druga dokumentacija nedostatna i nejasna kao i da se Institut Veterinarskog fakulteta ne nalazi kao budžetska stavka niti u jednom budžetu Kantona Sarajevo od 2012. godine do danas, a što bi bilo prijeko potrebno kako bi ova naučno-istraživačka i stručna insitucija mogla obavljati svoju djelatnost.

S tim u vezi koristim svoje poslovničko pravo i ponovo, postavljam pitanje i ovaj put tražim odgovor od Premijera Kantona Sarajevo gsp. Elmedina Konakovića da mi se u razumnom roku odgovori:

-Koji je udio Kantona Sarajevo u strukturi vlasništva instituta/laboratorija ili kako se to na Stupu zove ili se planira zvati?;

-Da li se Kanton Sarajevo odriče novoizgrađenog objekta, u koji je uloženo preko 3 miliona kreditnih i budžetskih sredstava zarad desetak dunuma atraktivnog zemljišta zemlje pogodnih za drugu namjenu (stambena izgradnja i sl.)?

-Koji je rok da se izvrši tehnički prijem objekta i da se objekat preda na upotrebu Veterinarskom fakultetu Univerziteta u Sarajevu na korištenje kao krajnjem korisniku?

-Koji je rok kreditnih zaduženja kod Svjetske banke, kolike su i kada dospjevaju kreditne obaveze i ko je i kojim dokumentom preuzeo obavezu vraćanja?

Nakon svega iznesenog uz evidentnu netransparentnost i nekoordiniranost među ministarstvima KS (privreda, finansije, obrazovanje i nauka), mišljenja sam da premijer Kantona Sarajevo ima pravo i obavezu upotrijebiti sve svoje ovlasti i raspoložive mehanizme u cilju osiguranja funkcionisanja ovako važnog objekta i institucije koja je od značaja za cjelokupnu Bosnu i Hercegovinu, za njen naučno-istraživački i stručni potencijal, što bi bio osnovni zadatak i cilj ove institucije.

Sve prošle vlade Kantona Sarajevo od 2011 godine do danas nisu poduzele ništa da se ovaj značajan objekat, kako za naučno-istraživački tako i za stručni rad u veterinarskoj medicini, stavi u funkciju i tako se omogući otvaranje novih radnih mjesta i zapošljavanje desetaka obrazovanih, mladih ljudi koji su i danas na biroima za zapošljavanje.

Stoga pitam Premijera KS gsp. Elmedina Konakovića da li ova Skupština može očekivati takav njegov angažman i kada možemo očekivati sveobuhvatan i jasan odgovor o svim aspektima, odgovornostima i realiziranim aktivnostima uspostave i funkcionisanja dijagnostičkih kapaciteta na Stupu, s posebnim akcentom na finansijski aspekt utroška budžetskih sredstava KS i kreditnih sredstava FBiH u ukupnom iznosu od 3.500.000 KM.

ZASTUPNIK SBB-A U SKUPŠTINI KANTONA SARAJEVO

Prof.dr. Selma Filipović

